


चोकोट्ना कबूर

ऐदवा पुस्तक



चोकोटना कबूर

ऐदवा पुस्तक

चोकोट्ना कबूर

ऐदवा पुस्तक

इद मुंने वाचि कीम्टु	4
१ मरियम्मा येत्ता वायिदा!	5
२ येसु जनमा आतोर	8
३ येरूसलेमु नगा रोके मातोर चुडूर येसु	11
४ योहानु केय्दे येसु बाप्तिस्मम येत्तोर	13
५ सैतानु येसुना केय्दे बद्दे उनदि गल्लि, कियुसना इनजेर कोसिस कियमड	14
६ वाव्टे येत्ता विज्जाना कता	17
७ वडितुन अनि हेल्वन येसु दब कियमड	20
८ सिय्युंग हजार्क मानदितुन येसु जेवुन सियमड	22
९ टावुक सेल्लोरु वोरु माया कियमड	24
१० बहान चर्ना कियवल समाप्ति कीता पज्जा वोनेर सिस्यलिरुकुन करुस्मड	27
११ पवित्रा दिवोसुन येसु उनदि बायिनु चोकोट कियमड	30

१२ दौडे मत्ता अद उनडे पुट्टेके आय्वल कुसि	32
१३ दहा मानदितुन येसु चोकोट कियमड	38
१४ तंवा मरन लासि येसु वेह्मड	40
१५ तहसीलु वसूलु किय्वल वोना रोटुन दर्शन कियमड	41
१६ राजन्कु सिय्वलु आह्वानतुन लोकुर येसुन्कु सियमड	43
१७ सिस्यलिर तसो येसु सब्बता जेवुन तिनमडु	45
१८ येसुंयाया विचार कियमड	48
१९ येसुन मरना सिक्सा अरुमडु	51
२० सिलुवतगा वाटुतेर येसुन	53
२१ येसु सातोर	57
२२ येसुन वीचुनगा माति कियमड	58
२३ सातोर येसु उनडे जीवते पिस्तोर	60
२४ हाबर तगा येसुन वोयमडु	62

इद मुंने वाचि कीम्टु

इद येसुन लासि लिहिकीता पुस्तकु अनदाजा वंनीस, सावु वर्सन तोल्ले।

येसु मत्तोर अव दिनम कुनगा इंके इस्रायिल इनजेर केयुवल

देशम नगा वोर मत्तोर इंवल।

अस्के रोमीयुलु, इस्रायेलीयुलुकु राज्वाडा कीसेर मत्तेर।

अद देशम नेर्कुन इस्रायेलु इनजेर पोरोल मत्ता।

ऊर्कुन यूदुलु इनजेर गिर केय्दिर।

वोरोर डगूर मूक्ति प्रवक्ता हवुतार येच्चिकुन वासि,

तमवकुन सुट्टिकीतोर, इनजेर यूदुलुकु सूडसेर मनदिर।

वोरे, येसु, इंवल डगूर मूक्ति प्रवक्ता।

वोरोर लूका इंवल वोर, येसु वेहता,

तुंगता सम्दि उनदि पुस्तकुन मोडि लिहिकीतोर।

अदे पुस्तकु लूका इंवल शुभवर्तमान इनजेर इंके इनतेर।

गरीबु मनतेर मनतेर ऊर्कुन, धनवनतल मनतेर ऊर्कुन,

दुक्कुने मत्तुर कुन, दुक्कु सेल्ले ऊर्कुन, कराबु मत्तेरु

ऊर्कुन, चोकोट मत्तेर ऊर्कुन मय्नलिर-बायिकुन,

कानडिर-पेकिन, सम्दिर कुन, भगवनतल माया

कीतोर इनजेर येसु बोदा वेहतोर।

हर गोहिट तुन लासि आयि, हर काम्न लासि आयि,

भगवनतल पोरो बहन बरोसा, इर्मड अनि,

भगवनतन मरटु बहन चेर्नकिय्वल अनि,

भगवनतल दिल्ता गोहिटत बहन किय्वल,

अवेन गिर वोरे बोदा वेहतोर।

मरटु इंके वाचि किय्वल पुस्तकु लूका शुभवर्तमान,

अगटल जर्सि पूरो वाचि कियाना, इनजेर दिल्तगा मत्तेके,

बय्बिल सोसैटि तुरुकुन लिहि कीम्टु

बय्बिल ग्रथम इंवल डगूर पुस्तकम नगा इद,

लूका लिहि कीतपु शुभा वर्तमान उनदि पुस्तकम आनदु।

१ मरियम्मा येत्ता वायिदा!



उनदि दिवोस भगवनतल गब्रियेलु इंवल येमुतुन
गलिलया, देशम लाग्सि मंवल
नजरेतु इंवल नाटेन रोप्पो सार कीतोरा।
अद भगवनतना येमु मरिया इडे डिया पेडितुन,
उनदि कबूर तत्तोरा।
मरिया, दामीदु महाराजलिरा पाडिता रोप्पो वोरोर,
पुड्तोर, वोना पोरोल योसेपु।
वोन्कु अस्केने वोनु तसो मरियम्मता
साहकर पूरो दोहिच मत्तेरा।

भगवनता नोर येमु, मरियम्मा करुम वासि,
प्रभुवु! नी हिनदक मनतोर।
वोर, नीकुन वेल्ले मान कीयुस्तोर।
अदेन साटि निम्मे वेल्ले इत्तेके,
वेल्लेने कुसिते मनदना इनजेर वेहतोर।
भगवनतनोर येमु वेहता कबूर
केंचि, मरियम्मा दानद्रे मासि,
वोना गोहिटतुन अर्तम बतल इनजेर परपेडे माता।
अस्के भगवनतना येसु तान तसो मरिया!
वेरिमा! बारि-बारि वेरियनति? निम्मे पेट्टिते मनजी,
नीकुन वोरोर कानडि जनमा आनतोर।
निम्मे, वोनु येसु इनजेर पोरोल दोसनती।
अदे भगवनतल नीकुन कीता डगूर मान आनदु।

वोर कानडि डगूर आसिकुन, वोर
सम्दिर डगूर वोर भगवनतनोर मरिं इनजेर केयनतिटु।
वोर तोल्लेतोर वेडिल दामीदुन दातु,
वोनु प्रभु भगवनतल राजन दातु कीतोर।
वोर गडि-गडि इस्रायेलियुलकुन
पोरो राजन दातु मनदनतोर।
वोना राज अगा आनता सेल्ले इनजेर वेहतोर।
अस्के मरियु बेये
नन्ना! चुडूर पेडिना आनदुना।
इद सम्दि गोहिट बहनु आनता! इद बहनु आयार?
इनजेर, भगवनतना येमुतुन विननति कीता।

अस्के भगवनतना येमु मरियम्मा तसो
हीन इत्तकी परिशुद्धात्मा नी पोरो वानता!
भगवनतना सक्ति नीकुन आनता! अदेन साटिये!
पूजा किय्वल कानडीरु।
दय्वा नोर मरिं इनजेर केयनतेरु।
नीवा, वेते एलिजिबेत्तुन गोहिट केनजिति सूडा
असलु तान्कु कानडिरे पुट्टूर इनजेर
ऊरा दुनिया गोग्डि कूस्तपु कूसनता।
बत्ति तान्कु इंके मातरि पान्तगा,
सारंग महनना पेट्टि मनता।
भगवनतना तोडो सम्दि काम्क करल आनता!
इनजेर वेहता।
अस्के मरिया नन्ना प्रभुवु काम दारना आनतोना।
निम्मे वेहता सम्दि गोहिट सम्दि नाकुन आयना!
इनजेर येमुतुन तसो वेहता।

२ येसु जनमा आतोर

रोमा देशम नोर राजल उनदि हुकुम सीतोर।

तान प्रकार, हर मयूनल तंवा जाति नाटे सोनजि,

सर्कार्ता जनाभा लिस्टुनगा तंवा पोरोल सेरिक कियाना।



अदेन साटि योसेपु गलिलया जिल्लात

रोप्पो मंवल नजर्तु नाट्नल,

यूदा जिल्लातगा मंवल बेत्लेहेमु

इंवल नाट्नेके सोडितोर।

अद, दामीदु महाराजल पुट्ता जागा आनदु।

योसेपु, दामीदु पाडित रोप्पो जनमा आनदूरा।

अदेन साटि, वोर हक्के सेरिक

आयलागर वोर तंवा संग्गा साहकर पुडा दोह्चि मत्ता।

मरियम्मनु तोडो सोडितोर।

अस्के मरियम्मा नोव महिनंग निनता!

अनि योसेपु इव्विर्ते बेत्लेहेमुनगा मत्तेरु।

अस्के तान्कु येरुपूर्वल करुम वाता।
 हक्के ऊर्कुन बग्गने, बोनय रोन जागपुट्टु मकि,
 ते ऊर उनदि कोट्कतगा जागकीसि मत्तेर।
 हक्के, अद कोट्कतगा मरियम्मन मडनोर पेडल जनमा आतोर।
 अद बायि तंवोर चुडूर कानडिर कुन,
 चुडुक-चुडुक गिनदंग गूनडि कीसि
 हेर्मिंग मूरंग मंवलिक डोड्डितगा मीनडु सीता।
 अदे नेटि नर्का तोडोसा मानदि हेरेंग
 गायिकीर तंवंग हेरेंन वहुकुनगा
 निग्रन कीसेर मत्तेर।
 हक्के! हक्के प्रभुवु रोहुता
 भगवनतना येमकु वासि चर्ना कीनेके,
 ऊर सिर्मुट वेल्ले डगूरु उजुड आता!
 ऊर सम्दिर बय वेरितेरु, अनि दानद्रे मत्तेर।
 अस्के भगवनतना येमु ऊर तसो! वेरिमट्टु,
 हर वोरोर कुसिते मनदना इनजेर।
 उनदि शुभवर्ता मान तत्तोर।


नेनडु बेल्लेहेमु इंवल नाटेनु रोप्पो
 मीकुन वोरोर भचिकियवल पुट्टोर।
 वारे! प्रभु नोरु क्रीस्तु।
 वोर चुडुडुक-चुडुडुक गिनदन तोडो गूनडि कीसि,
 मूरंग मीनडुवल कोट्कतगा मीनडिस मत्तोर।
 वोनु मिरट्टु सूडनतिट्टु।
 नन्ना वेहता सम्दि गोहिट करल इनजेर,
 अस्के मिरट्टु वोडकि मनतिट्टु इनजेर वेहतोर।

उनडे हाने मनजी मनजी वेल्लेने येमकु ऊर्कुन दिस्तेरा।
ऊर सम्दिरु। भगवनतना पोरो हीनु पाटंग वार्तेरा।
हाबर तगा मंवलु भगवनतनु,
हर मयूनल मनजेर स्मरन कीनदूर।
बोम्मिमत पोरो वोनु माने माय्वलिरुकुन वोना
वायिदा कीता सानती ऊर्कुन
आयना इनजेर वेहचेर-वेहचेर,
भगवनतना येमकु हाबर तगा मरुमु आतेरा।

अद आतुपज्जा हेरेंग गायिकीर वोरोन तोडो वोरोर,
बेत्लेहेमु नाटेन रोप्पो आता गोह्णितत प्रभुवु!
माकुन वेहतोर।
मरटु सोनजिकुन सूडकट देट्टु इनजेर वेहिचेरु मत्तेरा।
अदेन साटि, ऊर वय्या-वय्या सोनजि मरियम्मा,
अनि योसेपुलिरु मनुवल जागतुन सापडि कीसि,
मूरंग मीनडुवल कोट्कतगा येसुन सूडतेरा।
ऊर वोनु सूडतेर अस्के भगवनतना! येमुकु
अद चुडूर पापुन लासि तंवा संगी
वेहता गोह्णितग मरियम्मा योसेपुलिरुकुनु वेहतेरा।
हेरेंग गायिकीर इव्वु गोह्णितग सम्दि
दुसुर कुन गिर वेहतेरा।
अवेकुन केनज्वलिरु सम्दिर वेल्लेने दानद्रे मत्तेरा।

३ येरूसलेमु नगा रोके मातोर चुडूर येसु

सड कियुलेन सालुदुन उनदि जोका येसु
अनि वोनेर बेये-बाबल येरूसलेमुतगा सोनजेर मनदिर।
येसुन बारा साल्क निनतेके वोर
गिर, ऊर संगी मीरे मासि सोत्तोर।



अगा सड ता पूजा कीयुवलिक सन्दि कामकु आतु पज्जा,
येसु अनि वोनेर बेये-बाबलिरु येरूसलेमु
नाटेन सुट्टिकीसि रोतेके सोडिलेन पेषिसि मत्तेर।
मानदिता मनदुडितगा येसु मनतोर इनजेर।
ऊर इत्तेर, बत्ति ऊर येरूसलेमुनगा रोके मात्तेर।
इनजेर ऊर्कुन टावा सेल्ले।
ऊर उनदि दिवोसु सरि ताकुता पज्जे तम्वा
चुटल्कनगा सोप्तलिरुगा येसुन लासि महकुले सुरु कीतेर।
बत्ति वोर दिस्मकी। अदेन साटि वोनु महकुसेर,
येरूसलेमु नगा उनडे मलसि सोत्तेर।

येसु ऊर्कुन दुस्रो दिवोस मनदिरुतगा सापडे मत्तोर।
 ऊर उदा मत्ता बोदा वेह्वलिरुगा नडुम उच्चिकुन,
 वोर वेह्वता सम्दि गोह्मिंटग केंचेर।
 ऊर कुंने उनडे सव्वल्क पूसि कीसेर मत्तोर।
 वोर ऊर्कुन पूसि कीयवल डगूक-डगूक सव्वल कुन,
 उस्यार ते वेह्वता जवाबुकुन सम्दिरु परेसन आतेर।
 असलु वोनु वोर संग्गा मंवल सूडसिकुने,
 वोर बय इद आतेर। अस्के वोना बेये निम्मे बतल आतियो?
 बग्गा सोत्तियो? इनजेर नन्ना मी वोर बाबल वेल्लेने दानद्रे मातोम।
 नी साटि बग्गक-बग्गक सोनजिकुन सम्दि महकुतोम।
 निम्मे बारि? हीनु कीति, इनजेर इत्ता।
 अदेनु कर्ता येसु, ना साटि,
 हिक्के, हक्के बारि महिकितिटू?
 नन्ना ना वोर बाबना रोन मनदन तोन इनजेर।
 अच्चोर गिर वोडके मायुवकु मनतिटु मिरटु इनजेर इत्तोर।
 इव्वु गोह्मिंटग येसु नेर बेये-बाबलिरु कुन,
 करे मायुमकि।
 अद आतु पज्जा येसु वोना बेये-बाबन तसो नजर्ते मंवल तंवा
 रोतेके सोनजि कुन बेये-बाबलिरंग गोह्मिंटग केंचेर,
 ऊर वेह्वतपु कीसेर, वोर चोकोट मत्तोर।
 वोना बेये इव्वु सम्दि गोह्मिटन तंवा मनदगा
 इर्सिकुन बस्के पुत्ति अवेकुन लासि सोंच कीसेर मनदु।
 चोकोट्ना मेनदोल्ले मनजी चोकोट्ना बुद्धिते,
 चोक्कोटुन इञ्जाननते मनजी,
 येसु रोजि-रोजि जर्रा-जर्रा बेरिसिकुन डगूर आतोर।
 हक्के मंवलिरु सम्दिर लोकरुकुन येसु इत्तेके,
 वोना पोरोल वेल्लेने मान इर्सि कुन चोकोट सूडनतोर।
 भगवनतल वोनु लासि इत्तेके वेल्लेने कुसिते मत्तोर।

४ योहानु केयूदे येसु बाप्तिस्मम येत्तोर

वेल्ले वर्संग आता पज्जे। मंसु सुकमुन
साटि योहानु वेल्लेटिरुकुन बाप्तिस्मम किय्वल
येता कुडेडगा येसु गिरि सोनजेर मत्तोर।
हक्के मंवलिरु सम्दिर वनतु आता पज्जे,
येसु गिरि योहानना केयूदे बाप्तिस्मम येत्तोर।
बाप्तिस्मम येता पज्जा पेजेय येसु चेर्ना कीतोर।
वोर अजुक प्रार्थना कीसेर मंनेके, हाबरु
चीरि माडुनडे भगवनतना नेकिता
आत्मतुन उनदि विचारु रेहिच वासि,
वोनु पोरो वाता।
अस्के भगवनतलु हाबरतल वोनु तरसो गोहिंटग कीसेर।
नन्ना वेल्लेने माया किय्वल ना वोर मरि निम्मेये!
नन्ना! नी येत्रल वेल्लेने कुसि आनतोन इनजेर इवल
उनदि विचार हाबडल वाता।

५ सैतानु येसुना केय्दे बद्दे उनदि गल्लि, कियुसना इनजेर कोसिस कियमड

येसु बाप्तिस्मम येत्ता पज्जा भगवनतना
आत्मत तोडो निंचि मत्तोर।
तान पज्जा वोर अगटलु पेसितोर।
आत्मा वोनु बोरे सेल्वकु मंवल केडतेके डग्लि कीसेर वोता।
वोर हक्के मत्तोरु अस्के सैतन वासि, वोना
केय्दे बद्तेरु गल्लि कियुसना इनजेर कोसिसु कीतोर।
हानु चालीसु दिवोसुकु आसिमत्ता।
इच्चुंग दिवोसुकु वोर बतय तिंवक मत्तोर।
अदेन साटि येसुनुकु बय कर्वस्ता।
सैतानु वोन करुम वासि
"निम्मे भगवनतना मरिनि आनदि"
अदेन साटि इव्वु बनडनुन
सारिंग दातु बदिलि कीयवच्चु
सेल्ले इनजेर इत्ता।

अस्के येसु हीनु जवाबु सीतोर।
वोरोर पिसाना इनजेर इत्तेके तिंवल चीजु गाटो आयि,
सारि आयि उनदिय येव्वो इनजेर,
भगवनतना पुस्तकनगा वेहनता इत्तोर।
तान पज्जा सैतन उनडे उनदि डगूर मेट्टतगा पोरो वीसि,
कडकु मुच्चि तेरिनेके, उनदि मिनेट्टु
रोप्पोयेसुन्कु सम्दि देशंकुनु तोहुतोर।

सैतानु वोनु तसो "निम्मेये, एकानदि
 नावंग काल्कु केर्तेके अनिक नाकुन पूजा कीतेके,
 इव्वु सम्दि देशलकुन अनि अवेकुनु रोप्पो
 मनता सम्दि जाय्जतुनु नी हनदकु कीसि सीनतोन।
 इव्वु सम्दि इंके ना हिनदकु ना केय्दगा
 मनता अदेन साटिये नावा मनदे वातोरु
 ऊर्कुने इवेकुनु नावा काल्कु केरिसि नाकुन पूजकीमु।
 अस्के इद सम्दि अदिकार ऊरा नीकुनु आनता इनजेर इत्तोर।
 अदेन कर्ता येसु प्रभुवु इवल नी भगवनतनु,
 वोनु सुट्टिकीसि उनडे दुस्रोनु बोने आयि निम्मे
 पूजा किय्वल सेल्ले निम्मे वोन्कु मात्रमे,
 भक्ति कीम मान मर्यदा गौरवम तोहना इनजेर।
 भगवनतना डगूरु पुस्तकनगा वेहिच मनत" इनजेर जवाबु सीतोर।



तानु पज्जा सैतानु वोनु (येसुनु) येरूसलेमु नगा वोसिकुनु,
मनदीर्तु पोरो वोनु निपुषिकुनु,
निम्मे भगवनतनोर मरिनि आनदि अदेन लासि
इच्चोर पोरोडलु बूडु डेहिकसिकुन सूडा,
भगवनतलु तंवा येमुकुन रोह्चि
नीकुन पिसुसनूर इनजेर,
भगवनतना पुस्तकनगा मनता।

अच्चोरे आयो उनडे निम्मे बूडु
डेह्कुनेके भगवनतना येमु
नीवा काल्कुन बनडागिर लाग सियुवकु नीकुनु
पिय्यनतोर इनजेर पुस्तनगा मनता सेल्ले इनजेर इत्तोर।

तान कर्ता येसु जवाबु सीसेर हानु
पुस्तकनगा निम्मे बतलु प्हजे इनतियो
अवेकुनु कीमु इनजेर प्रभुवु इंवल नीवोर
भगवनतनु जुलुम जब्रि कियुवा
इनजेर गिर मनता इनजेर इत्तोर।

येसु केय्दे गलित कियुसना इनजेर,
अजुक वेल्लेने तरिकते सैतना तुना कोसिसु कीतोर,
बत्ति सैतानु, हारे मातोर।
अदेनु कर्ता सैतानु अस्के येसुनु सुट्टि कीतोर।

६ वाव्ठे येत्ता विज्जाना कता

उनदि दिवोसु सिर्मुट मंवलिकु नाटुनल वेल्ले लोकुरु,
येसुन करुम वातेर अस्के वोर इद कता वेहतोर।
वोरोर केति मय्णल तंवा
वाव्ठे विज्जंग येद्ले सोत्तोर।
वोर विज्जंग येद्रेके तोडोसा काल सरितगा अर्ता।
अवेकुनु अद सरिते सोडिवलिरु कालुकुन
बूडु अर्मडो सेल्लेते पिट्टेंग
तम्वा पेट्टितगा इरुमडो आता!
तोडोसा विज्जा चेल्ला बोम्मित पोरो अर्ता।
बनडंग मंवल बोम्मित पोरो विज्जा पिरुवल सुरुकीता।
बत्ति अद बोम्मितगा पद्रा सेल्वा
सोनजि, येदिते वच्चि सोत्ता।
अजुक तोडोसा चहकुना पोदेला तगा अर्ता।
विज्जा पित्ता। बत्ति अद चहकुना
पोदेलत संग्गा बराबर मोकाबिला कियुवक,
साता! बत्ति अजुक तोडसा,
चोकोट्ना, पोतम कीसिमता बोम्मितगा अर्ता।
अव चोकोट डगूर आसि उनदि-उनदि बिब्डनगा विज्जंग,
नूटा इसन्ने, वेल्लेने पनटा पनडुता।
येसु ऊर तसोँ उनडे हीनु इत्तोर, मीकुनु
चोकोट सम्जे मायना इत्तेके नन्ना इंके
वेहता गोहिट्तुन लासि सोंचु कीम्टु।

तान्पज्जा सेव्कन वोनु इद कता ता अर्तम बतल आनदु,
 इनजेर पूसि कीतेर।
 येसु जवाबु सीसेर हीनु इत्तोर।
 भगवनतलु पालन कीनेके बहनु मनदनता यो!
 वोडके माय्वल वोर मीकुन करल कीनतोर।
 बत्ति दुस्रुरुकु इव्वु मरुमु आसि मनदनता।
 वोर कडुकुने सूडसि गिर सूडुवकु
 गुड्डिन्दातु मंवल्लिरे?
 केव्कने केंचिकुन, केनजुवक मंवल्लिर दाते,
 अवेकुनु कतंग केनजुतपु केनजनतेरु।
 बत्ति सैतन वासिकुन दिल्तगा बरोसा सेल्वक कीनता!
 अदेन साटिये ऊर भगवनतनु, बरोसा
 कियुले अनि पूना जीवतुन येतुले
 गिर अद करल आयोये।
 अनि तोडोसा विज्जंग चेल्ला बोम्मि तगा अर्ता।
 तेना अर्तम बतलु इत्तेके तोडसा मानदि बोदितुनु केनजिनेके,
 बच्चे वेल्लेने कुसिते वोप्पनतेर।
 बत्ति अद ऊरा दिल्तगा निलसि मंनोय।
 ऊर तोडसा दिवोस्कु मात्रम भगवनतन बरोसते माने मनतेर।
 बत्ति तम्वा पिस्वड रोप्पो मुक्कबिल्ला दन्का येद्रेके,
 भगवनतनु पोरो बरोसा इरुता सुट्टि कीनतेरु।
 मनजे भगवनतन बरोसा किय्वल बनद कीनतेर।



उनडे जर्सि विज्जंग चहकुना पोदेलता जागतगा अर्ता!

तेना अर्तम बतलु इत्तेके।

जर्सि मानदि बोदतुनु केनजनतेर,

बत्ति ऊर्कुन कराबु किय्वल दिल्तगा दुक्कु मनजी,

दन्ता आसते, पिस्माड, रोप्पो कुसिते सोबते सुकुन ते मनदना इनजेर,

आसकीसि इवेकुनु लासि, परपेडे मनतेर।

मनजा परिसन ते हिक्के हक्के आनतेर।

भगवनतलु ऊर हिनदकु चोकोट बद्दे

माय्वलु सूड्तेके अद ऊर्गा दिषोये।

बत्ति जर्सि चोकोट पोतम कीसि मत्ता बोम्मि तगा अर्ता,

तेना अर्तम बतलु इत्तेके तोडसा मानदि बोदतुन केनजनतेर।

अनि तान प्रकार कीनतेर।

अदेन साटिये भगवनतन पोरो ऊर्कुन मनता,

बरोसा बस्केगिर बदिले मायो!

अनिक ऊर भगवनतन्कु बतल पहजेयो,

अवेकुन कीनतेर।

७ वडितुन अनि हेल्वन येसु दब कियमड

उनदि दिवोसु येसु। वोनैर सिस्स्यलिर
उनदि चुडूसा रूका तेर्गतेरा।
येसु ऊर तसो "डडीतु हनदकाक
दाकटु दाटु इनजेर इत्तोर।
अदेन साटि ऊर रूकत मुंने चालु कीतेरा।
ऊर रूकतुन ताकुसीसेरु मंनेके
येसु नरुमनतोर।

अस्के अच्चनक उनदि डगूर वडि दूनदड जोर्ते,
वासि मनता। अनि हेल्वंग पोंगुसेर,
पोंगुसेर पोरों तेच्चि मत्ता।



रूकतगा येर निनदुले सुरा आता!
ऊर्कुन अद रूकतगा येरु निंचिकुन सोडियनतयो,
बतलो इनजेर ऊर्कुन वेरें वस्ता।
सिस्यलिर येसुन करुम वासि वोनु तेहिच,
बोदा दारा! बोदा दारा! मरटु सम्दिर येतुन रोप्पो,
मुडुंसि सोडियनतोम इनजेर लोल्लि कीतेर।

अस्के येसु जोपुनल तेच्चि, वडितुन
हेल्वन कम्मि आम इनजेर हुकुम सीतोर।
अस्केन वडिता जोरु कम्मि आता,
हेल्वंग गिर कम्मि आतंग।
कुडेर उनडे तोल्ले बहन मत्ता, हाने नेहार आता।
अस्के येसु तंवेर सिस्यलिर
तसो "मिरटु भगवनतना पोरो,
उनडे चोकोट मज्बुतु बरोसते
मनदना इनजेर इत्तोर।
अस्के ऊर्कुन अरे! वेर अनि इद बहनु आता बा!
इनजेर, अनि असलु इत्तेके वेरु बोरु आयमड मनदरा।
वेरु डगूर वडितुन, अनि अव
बेरेंकि वोन्कु चुडूर आयमड बतल इनजेर इत्तेर।

८ सिय्युंग हजार्क मानदितुन येसु जेवुन सियमड

उनदि दिवोस येसु तंवेर सिस्यलिरुकुन
पिथिस अलदि तमकुन तम्मेये मनदना इनजेर।
बेत्सयिदा इंवल नाटेन रोप्पो पेषिसि मत्तेर।
वेल्लेटीर इद गोहिटतुन केंचि, ऊर सडा सोत्तेर।
येसु ऊर्कुन सूडसि वेल्ले कुसि आसिकुन।
भगवनतल राज्वाडा कीनेके मयूनना
पिस्वाल हीनु मनदनता इनजेर बोदा वेहतोर।
वोर बेमारिते मत्तोर, वोनु गिर चोकोट कीतोर।
पोड्दु सोंनेके बारजन्क मानदि सिस्यलिर येसुन तसो हिक्के,
करुम बद्दे चहर सेल्ले।
अदेन साटि, ऊर्कु जेवि कियुले जेवुन बतल तेरु
येतुले अनिक इद नर्का मीनड्लेकु सिर्मुट
मंवल नाटुनेके दयकीसि सारिकीमु।" इनजेर इत्तेर।
बत्ति ऊर तंवेर सिस्यलिरु तसो,
"मिरटे ऊर्कु जेवुन दोषटु" इनजेर इत्तोर।
अदेन साटि ऊर परेसन ते, "मा
करुम मनता अच्चोर (बच्चे इत्तेके) सिय्युंग सारिंग,
अनि रेनडु मीन्कु अच्चोरे।
मोम्मोट इच्चवीर पब्लिकुन जेवुन बहन दोसोकोमु।
बगटल येच्चिकुन तरुकोमु।
निम्मेट येच्चि तरटु इनजेर इनुमकी!" इत्तेर।
(अगा सिय्युंग हजार्कु मानदि मनतेर।)

अस्के येसु "अनदजा पन्नस-पन्नस मानदिता
इसाबुने ऊर्कुन उपुसटु" इनजेर
तंवेर सिस्यलिरु तसो इत्तोर।



येसु वेहतपु सिस्वलिर अगमता पब्लिकुन उपुसीतेरा।
 अस्के येसु सिस्वुम सारिंग, रेनड मीन्कून
 केय्दे पिस्सिकुन हाबर तेके पोर्रो सूडसेर
 केय्दगा मनता जेवुन्त लासि भगवनतन्कु काल केर्तोर।
 तानु पज्जा अवेकुन चुडुक-चुडुक
 टुकडेंग कीसि तंवेर सिस्वलिर कुन सीतोर।
 सिस्वलिरु अवेकुन अगा मंवलिरुकुन वट्टिड कीतेरा।
 ऊर चोकोट मनदेवाता अच्चोर जेवुन कीतेरा।
 तान पज्जा सिस्वलिर मेय्तंग टुकडेंग जम्मकीसि,
 परत बिडनगा निहनेके अव
 सम्दि जुमुला बारा बिडनगा आतंग।

९ टावुक सेल्लोरु वोरु माया कियमड

उनदि दिवोस यूदा मत्ता पुस्तकनगा
बोधवेहुवल गुरु येसुन करुम वासि,
वोना केय्दे बद्तेर गलित वेह्ले
लाविकीसि पासि कियाना इनजेर।
हीनु सवल पूसि कीतोर। बोदा दारा!
अनत्सेल्ले अद असलु जीवतुन,
पहजे इत्तेके नन्ना बतल कियाना?
येसु जवाबु सीसेर।
मावा मतम्ना पुस्तनगा बतल लिहिकीसि मनता!
अदेन जरा निम्मेये पूरो कुल्ला वेहा इत्तोर।
अदेन साटि वोर शास्त्रि।
"प्रभुवु इंवल नी वोर भगवनतनु निम्मे नीवा
मनदे पूरो माया कियाना।
इद माया निम्मे कियवल काम्न रोप्पो अनि,
निम्मे सोनजि कियवल सोंचुनगा, नीवा
पिस्वाल सम्दि रोप्पो मनदनता।
उनडे नीकुन निम्मे माया कीतपु दुस्रोनु गिर माया कियाना!
इनजेर जवाबु सीतोर।
अदेन साटि, येसु शास्त्रिन्कु चोकोट
वेहिति इनजेर वोन डगूर वंनि कीसि,
बेस निम्मे चोकोट जवाबु सीति इत्तोर।
हाने कीमु अस्के नीकुन असलु
जिन्गानि पुट्टनत" इनजेर इत्तोर।
बत्ति वोर शास्त्रि अच्चोर सप्रे,
हारे मायिले इस्टम कियुवा सोनजि,
बत्ति हानु इत्तेके, नन्ना माया
कियवल दुस्रोनु इत्तेके बोरु आनदिरु?
इनजेर येसुन अनिक उनडे सवालु पूसि कीतोर।

अदेन कर्ता येसु जवाबु सीसेर
हिक्के बूडु मनता अद कता वेहतोर।
उनदि दिवोसु येरूसलेमु नगटल येरिको
इंवल नाट्नेके सॉले वोरोर पेषिसि सोनजेर मत्तोर।
सॉनेके नडुमु सरितगा कल्लिर वोन पूडसि पिय्तेर।



अनि वोन वेल्लेने पासि वोन्गा मत्ता अद
पूरो अनिक आक्रि वोर केर्ता कपडिंग गिर
लूटि कीसि वोन आकिरि डुक्कु-डुक्कु
मंनेके सुट्टि कीसि सोडितेर।

अद वक्कतुन वोरोर पूजकिय्वल
देवारी अद सरितगा सोनजेर मत्तोर।
वोर सर्रित पोरों पट्टिस मनतोर वोन सूडसि
बतय सूडमकि इत्तपु तंवा सरिपिय्सि सर्कल सोडितोर।
पज्जटल मनदीर्तुन रोप्पो काम किय्वलिर



महाराजल गिर अद सरि पिथिस सोडितोर।
 वोर अद सरित पोरो पटिस मत्तोर वोन
 सूडसि उनदि मिनेटु रोकेमासि
 वोर गिर तंवा सरि पिय्तोर।
 अद आतु पज्जा दुस्रोर अद सरि पिथिस दानतोर।
 वोर मा दातु वेडिल गिर आयोर।
 वोर समरया देशम नगा मंवल आनदूर।
 बत्ति वोर वोडकि सेल्लोर।
 वोर अद सरित पोरो वेल्लेने धन्कंग तिनजी,
 दुक्कुने पटिस मत्तोर।
 वोन सूडसि, वोना पोरोल वेल्लेने माया कीतोर।
 वोर वोना करुम वासि वोना धन्कनुन चोकोट साप कीसि,
 नोर्सि अवेकुनु गिनदन तोडो पटिंग दोहुतोर।
 तान पज्जा वोन वोन्गा मत्ता गादित पोरो उप्पुसिकुन,
 उनदि गरीबुना रोनु वोसि, इर्सि
 अनिक वोन चोकोट सूड्ले इनतजाम कीतोर।
 दुस्रो नेटि वोरु वोन्गा वासि वोन्कु तोडोसा
 कोत्तंग सीसि वेनु चोकोट सूडा इनजेर वेह्चि,
 अनिक कर्चलागतेके निम्मे कर्चा कीमु।
 जास्ति कर्चा कीता अवेनु,
 नन्ना उनडे इद सरिते वानेके,
 नीकुन सीनतोन, इनजेर इत्तोर।
 येसु इद कता वेहुवल मार्ता पज्जा शास्त्रिन तर्सो।
 "कल्लीरु केय्दगा पटिस मत्तोरु वोन्कु इद
 इच्चुवीर रोप्पो असल माया तोहुतोर
 बोरु आनदिरु?" इत्तोर।
 अदेनु कर्ता शास्त्रि, "वोन पोरो माया कीतोरु"
 वोरे इनजेर जवाबु सीतोर।
 अस्के येसु, निम्मेगिर सोनजि वोर
 कीतपु कीमु" इनजेर इत्तोर।

१० बहान चर्ना कियवल समाप्ति कीता पज्जा वोनेर सिस्वलिरुकुन करुस्मड

उनदि दिवोस येसु तंवा चरना कियवल
बनद कीता पज्जे वोनेर सिस्वलिर रोप्पो वोरोर।
प्रभु! आत्मा शुद्धितुन लासि येरु मिहचेर
येहाना वोनेर सिस्वलिरुकुन प्रार्थना कियमड करुसीतोर।
ते, "मोम्मोट प्रार्थना कियवल बहनु
माकुन करुसा" इनजेर इत्तेर।
अदेन कर्ता येसु जवाबु सीसेर हीनु इत्तोर।
ते, "मिरटु प्रार्थना कीनेके हीनु वेहटु।।।।"
"बाबा! निम्मे वोरोनिय भगवनतल इनजेर
सम्दिर लोकुर नीकुन हेतु कीसेर मनदिर।
रोजि-जोजिता माकुन पट्टे अच्चोर जेवुनु सीमा।
माकुन उरपटा गलिंग कियुवलिरुकुन,
मोम्मोट मापि कीसेर मनतोमु।
अदेनु कर्ता मोम्मोट कीता गलित्तुन निम्मे
मापि कीम मोम्मोट गलित्त कामकु कियुले,
माकुन पासि कियुवलिक अवेकुनगटल हब्रि कीमु।"

येसु उनडे हीनु इत्तोर।
"मी रोप्पो बोनुके मंनि,
वोरोर दोस्तु मनतोर इनटु।
अर्दो नर्का निम्मे वोनुगा सोनजि,
"सोप्ता! नाकुनु मूनद सारिंग उस्ते सीमु।
नावोर सोप्ताल वोरोर सरि
सोनजेर इंनेके ना रोनु वातोर।
वोन्कु जेवुन तिन्ले सीका इत्तेके नहगा
बतय सेल्ले इनजेर विननति कीनति।"

नीवोर सोप्तल कावाड तेरियका रोने मनजी,
 "आ! बारि निम्मे नाकुनु गड-बड कीनति?
 कावाडुन गोल्च लाविकीसिने मनता।
 नन्ना! ना कानडिर, पेकुर मीनडिस मनतोम।
 निम्मे पूसि कीति अदेनु सीयुलेनु
 नन्ना तेच्चि वाया परोनु।"
 इनजेर जवाबु सीतोर, इनजेर इनटु।
 येसु तंवा बासन सीसेर मनतोर।
 "आकिरित वोर तेच्चि नीकुन पहजे मत्ता सीनतोर।
 बत्ति निम्मे बारि तंवा जीवता
 कास सोप्तनि आनदि इनजेर सेल्ले।
 निम्मे लज्जेमायुवकु गडि-गडि पूसि कीता काडकि, वोर सीतोर।
 मीकुनु पलना चीजुकु पहजे इत्तेके भगवनतनु पूसि कीम्टु।
 वोर आपेनु मीकुनु सीनतोर।
 मीकुनु पलना काम अर्ता इनजेर भगवनतना
 करुम मिरटु विननति कीसि वेहटु।
 वोर अदेनु मीकुन सीनतोर। भगवनतनु प्रार्थना कीम्टु।
 वोर मीवा विननतित केनजनतोर। बारि!
 इत्तेके, बोरे मंनि तनकु पलना इद
 पहजे, इनजेर भगवनतनु पूसि कीतेके,
 वोर अदेन ऊर्कु सीनतोर।
 बोरे! आयि, तनकु पलना काम अर्ता इनजेर।
 भगवनतना करुम विननति कीतेके
 वोर जरूर नीवा काम्म निब्बि कीनतोर।
 बोरे आयि! प्रार्थना कीतेके,
 वोर वोना विननतितुन केनजनतोर।
 निम्मे बाबल आसिकुन गिर, नीवोर
 कास मरिं नीकुन मीन्कु पूसि कीतेके,
 निम्मे ताना बदिल बतल तरुसीनति बतल?



सेल्लेते, वोर, मेनजेके प्हजे इनजेर पूसि कीतेके,
निम्मे मिच्चो सीनतिकि बतल सिखि?
मिरट्टु कराबु मनजिगिर मीवेर कानडिरुकु
चोकोट्ना चीजुकु सीनतिट सेल्ले।
चोकोट्ना अवेकुनु सीयुवडुगा मीकुन
जास्ति मी वोर भगवनतना केय्दे पेर्सा मनता!
वोर हाबर तगा मंवल मी बाबल आनदूर।
तनकु पूसि कियवलिर कुन सम्दिर कुन,
तंवा आत्मतुन सीनतोर।
मनजे वोना आत्मतुन सम्दिर पोरो इरनतोर।

११ पवित्रा दिवोसुन येसु उनदि बायिनु चोकोट कियमड

अद यूदुलिरा भगवनतन पूजकीयुलेन चुनाव कीता,
दिवोस आनदु। अद पवित्रा दिवोस आनदु।

येसु उनदि जपमु कियवल मनदीरुतु
रोप्पो बोदा वेह्चेर मत्तोर।

अस्के हक्के मंवलिर रोप्पो भूतु
पियता उनदि बायि गिर मत्ता।

तानु रोप्पो मंवल भूतु कीनेके अद
बायिना नडि निल्लेनु चोकोट वायुवक मत्ता।

ताना नडिपूरो जोके मासि मनदु।

ताना दुक्कु अट्टा वरसंग नल हीने मत्ता।

येसु तानु सूडसि डगूर लेंग्रे इडे:

निम्मे चोकोट आनति इनजेर इत्तोर।

येसु तानु पोरो तंवा केय इर्नेके,

अद बायि वेय्नेने निलसिकुन भगवनतना चरना कीता!

बत्ति अद प्रार्थना मनदीरुता अदिकारि, येसु

अद बायिन पवित्रा दिवोसुन नेटि चोकोट कीतोर इनजेर।

वेल्लेने सोड आसि मनतोर।

वोर हक्के मंवलिर तसो।

"मरट्टु काम कियुलेनु, उनदि

हत्ततगा सारुंग रोजुकु मनतंग।

अदेनुकर्ता मिरट्टु अव सारुंग रोजुकु

रोप्पो उनदि दिवोसु आयि वासिकुनु,

मीवा बेमारिंग चोकोट कीसि येत्तट्टु।

अच्चोरे, बत्ति,
मिरटु पवित्रा दिवोसुन
नेटि वासिकुन इत्ता कामकु कीतेके,
बहनु? इनजेर सोडुने वासिकुन जोर्ते वेहतोर।

अदेन साटि जवाबु सीसेर, मीवा मूरा,
हेर्मि कोनदा आयि, येरु वट्कवस्तेके,
पवित्रा दिवोसुन नेटि मिरटु अवेकुन येरु उह्विटू?
मीवा भक्ति सम्दि वट्टि आगमे, डंग कीनतिटु।
इद्गिर चोकोट आता इद बायि, दुस्रो बायि गिर आयो!
अट्टा वर्सनल भूतु इद बायिन
पियिस परेसन कीसेर मत्तेके,
येसु इत्तेके दुस्मन मत्तोर वोर्गिर,
इव्वु गोह्दिंग केंचि,
लज्जे मासि तला बूडु वाट्टिसकुन मत्तेरा।
बत्ति, मेय्तोर वोर मात्रम। येसु कीता चोकोट्टना,
काम कुन सूडसि वेल्लेने कुसि आतेरा।

१२ दौडे मत्ता अद उनडे पुट्तेके आखल कुसि

उनदि दिवोस येसु बोदा वेहचेर मंनेके,
तहसील वसूल कियवलिर सम्दिर केय्दे
गालिय इनजेर इंवलिर वेल्ले लोकर
येसु बोदा कीसेर मंनेके केनजुलेन वातेर।
इदेन सूडसेर मंवलिर तोडोसा मानदि
तंवेर अदि कारुल्कुन हीन इत्तेर की,
बत्ति वेर बातोर मय्नुल?
पाप कियवलिर तसो मीरे मासि,
मंवल सुट्टि कीसि ऊर तसो जेवुन्ता
पंगत्गा गिर उद्तोर। इनजेर रोप्पो-रोप्पो
गोल्गुतेर अदेन साटि येसु इद कता वेहतोर।

तप्सि सोत्तो गोरे

मी रोप्पो वोरुन्कु सोव गोरेंग मनतंग इनजेर इनटु,
अवेकुन रोप्पो उनदि गोरे तप्सि सोत्तेके,
निम्मे मय्ता उनदि कम्मि सोव गोरेन सुट्टि कीसि,
तप्सि सोत्ता अद उनदि गोरेतुन लासि
सम्दि वावुकुन मह्कसि।
अव पुट्नुल वेरि मह्कनतोर।
अव पुट्तेके तान सेट्टतगा पोरो कांचि नीवेरु सोप्तलिर कुन उनडे,
दुस्रु कुन केय्सि जेवुन कीनति निम्मे ऊर तसो।
"इच्चुडा तप्सि सोत्ता नावा गोरेतुन नन्ना सापडि कीतोना।"
अदेन साटि नाकुन बच्चे कुसि आतयो
वेह्वहान वरट चुडूसा पेन
कीतप सन कीकट इनजेर इनती।



येसु उनडे हीन इत्तोर।

हाने उनदि कम्मि सोव मानदि तप्पु कियुवक मंवलिर लासि,
 आयुवल कुसितुन जास्ति वोरोर पापि पाप
 किय्वल बनदु कीसि भगवनतन कुसित लासि
 कियुले सुरु कीतेके भगवनतना येमुन
 आय्वल कुसि बय वेल्लेने डगूर आनतयो, इनजेर इत्तोर।

दौडेमाता चानदिता बिल्ला

येसु उनडे दुस्रो कता वेहतोर।

उनदि बायिन्गा दहा चानदितंग बिल्लंग मनतंग
 इनजेर इनटु अवेकुनगटल उनदि बिल्ला अद बायि
 सोनदु सीतेके अद बायि बतल कीता?
 उनदि चुडूसा डिब्बेतुन निरुसिकुन वेडिच कीसिकुन केय्दे
 केय्सर पिसि सग्गि रोन चोकोट विय्यर सिय्सेर
 सोत्ता अद बिल्ला पुट्टनल वेरि चोकोट सग्गि जागा महकनता!

अद बिल्ला पुड्ता अस्के तंवंग सोप्तलिर कुन,
आजु-बाजु मनतेर दुसुर कुन केय्सि,
"नन्ना दौडि कीसि मत्तोन अद बिल्ला पुट्टु सीतोन,
करले तान साटि नावा कुसि बच्चेयो अद वेहवा हान मरट
मरट पेन कीतपु चुडूसा सड कीकट इनजेर वेहता।"
हाने उनदि पापि पापम कियवल बनद
कीसि भगवनतना कुसित लासि कियुले सुरु कीतोर।
अस्के भगवनतल आयवल कुसि बय वेल्ले डगूर इनजेर इत्तोर।

तप्सि सोत्तोर मरिं

येसु अनिक उनदि कता गिर वेह्तोर।
उनदि नाटेन रोप्पो वोरोर बाबन इव्वीर पेकुर मनतेर।
उनदि दिवोस चुडूर पेडल बाबन करुम वासि,
"बाबा! नाकुन वायवल हीसा नाकुन तूसि सीम इत्तोर।
हाने, बाबो तंवा जायिजत्तल सम्दि कोत्तन तंवेर
इव्वीर पेकुर कुन तूसि सीतोर।
तोडोसा दिवोस्क आतपज्जा चुडूर पेडल
तंवा जाय्जतुन सम्दितुन महिच।
मनतंग कोत्तन पिथिसकुन तंवा रोन सुट्टि कीसि सोत्तोर।
वोर वेल्लेने लक मंवल दुस्रो चहर्ते सोनजि,
कराब आदतुकुन अल्वेटे मासि, तंवंग कोत्तंग खर्च कीतोर।
वोर गिर वेल्लेने कराब आतोर।
अस्के अद देशमुन रोप्पो डगूर करु वाता।
तान्गा उनदि कोत्तगिर सेल्वक आता सोनजि तिलेन बतय सेल्व
सोनजि करु सासि बय वेल्लेने परिसन आतोर।
तान साटि इडे बतय दिक
सेल्व सोनजि बतल कियाना इनजेर,
हक्के मंवल वोरोर मयूननगा काम कियुले कुदुर तोर।
वोर मयूनल वोनंग पदिंग मेहले गडियल इत्तोर।



तंवा पेढिटतगा बतय सेल्ला सोनजि बय
 करु सासिकुन तडमि पोत्तप पोच्चेर मनता।
 बत्ति बतल कीनूर।

कम्से काम पदिंग वाट्वल चारोतेर पुट्टके आयार इनजेर इनतोर।
 बत्ति बतय सेल्ले तंवा पेढिटि निह्ले।

बत्ति अद गिर सियवलिर मनदना की,
 सेल्ले तान साटि आक्रि वक्कतुन रोप्पो तन्कुन
 बुद्धि वाता अस्के तंनो बच्चे डगूर
 तप्पु कीतोर अद हेतु कीसि,
 तंवा तनये हीन तक्लिब आतोर।

ना बाबना रोन काम कियवलिर गडियलिर गिर
 तम्मो बच्चे तिनुकोम इत्तेके अच्चोडुन
 जास्ति गाटो जेवुन पुट्ट्सेर मनता।
 बत्ति नन्ना बेरेंकि हिक्के करुते सासेर मनतोन,
 नन्ना पज्जा मलसि बाबन करुम सोनजि, बाबा!
 नन्ना! भगवनतन, नीकुन उरपटा गल्लि कीतोन नन्ना!

नीवोर मरिना इनजेर वेहिलेन गिर हक नाकुन असल सेल्लेये,
नीवा मायते कम्से काम नीवूर गडियलिर्गा
नाकुन गिर निम्मे गडियन
दात सेरिक कीम इनजेर इनतोना।"

हान तंवा मनदे विचार कीसि कुन रोता सरि पिय्तोरा।
वोर अजुक तंवा रोतुन वेल्लेने
लक्कु मंनेकेने बाबल सूड्तोरा।
मरिन सूड्नेकेने बाबोना दिल ते निंचि सोत्ता।
अस्के तंवोर मरिन मुंनेने बेटेमय्ले,
विच्चेर सोनजि वोन सब्बुड उर्डिंकीसि मुक्का भुर्तोरा।
अस्के वोर मरि "बाबा ! नन्ना! भगवनतन,
नीकुन बय डगूर गलित कीतोना। नन्ना!
नीवोर मरिना इनजेर वेहिलेन गिर
हक्कु नाकु असल सेल्ले" इत्तोरा।
"बाबो बेरेंकि तंवेर गडियलिर कुन केय्सि,
अरें! अल्ले! वेय्ने-वेय्ने लहिकते सप्पे
चोकोट नंग कपडिंग तच्चि वेन केरु सीम्ट।"

"केय्दगा मुद्दा, काल्कनगा चेप्पुल्क केरुसटा।
उनदि चोकोट्ना बोकुडुन कोय्ले तयार कीम्ट।
मरट पेर्सा जलसा कीकटा।
बारि! इत्तेके, ना वोर मरि सासिकुन इंके जीवते मनतोरा।
तप्पिसि सोत्तोरा ना वोर मरि इंके पुट्तोरा।"
इनजेर लहकी कीसि कुसिते सम्दिर्कुन वेह्तोरा।
अस्के वेह्चि कोरुम गिर आयोते सम्दि सुरु आता।
सेय्पक, कीयवलिर, डोल्कु पायवलिर डोल्कु पासेर,
येनद्वलिर येंचेर, बेनदूर हक्के कुसिते
मनतेर इद हीन मंनेके वावुटल
डगूर मरि रोन वासेर मत्तोरा।

वोर रोट करुम वानेके नानद केंचि

पाटंग येनद्वडुन सूडसि तंनो भूले मातप आतोर।

असल गोहिट बतल वोन अद टावसेल्ले!

वोरोन गडियन केय्सि इद सम्दि बतल इनजेर इत्तोर।

अदेन साटि वोर गडियल।

"नि वोर तम्मुर चोकोट्ने रोन येव्तोर तान साटि

नी वोर बाबल चोकोट्ना भक्रतुन कोयट" इनजेर वेहतोर।

अद गोहिट केंचि डगूर मरिं वेल्लेने

सोड वासि इद रोन नन्ना काल गिर इर्रोना।

अनि नन्ना रोन मंनोन इनजेर जिद पिय्तोर।

बाबो! लहिकते बह्नी विच्चेर वासि, वोन

रोत रोप्पो वीयुलेन वेल्लेने

गोडिते सम्जि कीसि वेहतोर।

वोना गोटि पिय्सि दय्यते वेहतोर।

अस्के डगूर मरिं "सूडा!

नीकुन इच्चोंग साल्कुनल काम कीतोन सेल्ला अनि,

नीकुन नन्ना बस्केतेर नन्ना उरपटा वेहतोन बतल?

अनि निम्मे नाकुन बतल कीति? कम्से काम

नावोर सोप्तन संग्गा जलसा किय्ले उनदि कोर गिर सीति बतल?

इंके नावोर चुडूर मरिं मनतोर की वोर

रोतल पेषिसि बह्नी सोनजि नीवा जाय्जतुन,

कोत्तन कराब कीसि वोर रोन वातेके

वोन लासि चोकोट्ना भक्रतुन तच्चि कोयु सीति?

इनजेर तंनो सोड वासि बह्नी इत्तोर।

अदेन साटि बाबो जवाब सीसेर नावोर मरिं!

निम्मे बस्केट गिर नह्गा मनदनति इंके

नह्गा मनता इद सम्दि नीवये बत्ति,

सातोर नी तम्मुर इंके जीवते पिस्तोर,

तप्सि सोत्तोर वोर इंके पुड्तोर।

मरट बच्चे कुसिते जेवुन किय्वल मनता इनजेर वेहतोर।

१३ दहा मानदितुन येसु चोकोट कियमड

उनदि दिवोसु येसु गलिलया देशम नगटल,
येरूसलेमु चहर्ते सोनजेर मंनेके समरया सिवरतुन
करुम मनता उनदि सरि पोरोडल सरिपियिस, सोनुवल अर्ता।
हक्के वोन्कु दहा मानदि पेर्सा बेमारिते मनतेर, ऊर बेटि आतेर।
वोर लक्कुनले निलसिकुन, "येसु! माकुन मायकीमु प्रभु!"
इनजेर डगूर लेंग्रे किलनडिंग वाट्तेर।
येसु ऊर्कुन सूडसि, मिरटु सोनजि पेन्कु
कियवलिर कटोडलिर केय्दे सूडु सीम्टु इनतोर।

ऊर येसु वेहतपु कीतेर।
कटोडलिरुकुन लासि महकुसेर सोनजेर मनदिर।
सोनजेर मंनेके नडुम सरितगने चोकोट आतेर।
ऊर रोप्पो वोरोर नन्ना चोकोट आतोनु
इनजेर सूडता पज्जा अस्के डगूर लेंग्रे,
भगवनतनु चेर्ना कीसेर पज्जा
मलसि वासिकुन डनडोस वेहतोर।
ऊर, येसुना काल्कुन पोरो अर्सि।
डनडोस वेहतोर।

वोर यूदलु गिर आयोर।
दुस्रोर आयवल समरयुडु आनदूर।
तंवा सिर्मुट मंवलिर तर्सो येसु,
दहा मानदित चोकोट आतेर की,
सेल्ले, ते, बाकितेर नोव जन्क मानदि बेके आतेर?



दुस्रो देश नगा मंवल वेरु वोरारे,
भगवनतनुकु डनडोस वेहिलेनु
पज्जमलसि वातोर। इत्तोर,
पज्जटल येसु चोकोट आतोर, वोन तसो,
"निम्मे तेच्चि नीवा सरिपिय्सिकुन सोनु!
नाकुन नम्सि मनति इनजेर निम्मे चोकोट आती!" इत्तोर।

१४ तंवा मरन लासि येसु वेह्मड

उनदि दिवोस येसु तंवेर बारजन्क मानदि सिस्वलिरुकुन,
हब्रि केय्सि, "इच्चुडा, मरटु
इंके येरूसलेमुनगा सोनजेर मनतटु।
भगवनतना कार्बार्तुन लासि, बतल कीतोर!
अव सम्दि, उनदि गिर सुट्टे मायुवक,
अव येरूसलेमु नगने आनता!
यूदुल्कु आयोरु दुसोरु, ऊर्कु।
मय्नन दातु हवतार
येच्चिकुन वातोन नाकुन अप्पगिंचितेरा।
वेरु दुसोरु नाकुन नाकुन पद्दिस कीसि,
ना पोरों उस्कनतेरा।
ऊर जग्डंग कीसि नाकुन पासि,
बत्ति मूनदु दिवोसुक आता पज्जा नन्ना!
उनडे जीवते तेदनतोनु" इनजेर ऊर तसों वेहतोरा।
इत्तेक गिर, सिस्वलिरुकु,
येसु वेहता गोह्मिंटग बद्देगिर।
सम्जे मायुमकि। बारि! इत्तेके, अव
गोह्मिटना अर्तम ऊर हनदल मरुमु कीसिमनता!
अदेन साटि येसु बतल वडकनतोरो,
ऊर्कु सम्जे मायुमकि।

१५ तहसीलु वसूलु कियवल वोना रोटुन दर्शन कियमड

उनदि दिवोस येसु येरिको इंवल
नाटनल सोनजेर मनतोर।
वेल्ले पैसा मंवल जिक्कय्या इंवल वोर
अद नाटेन रोप्पो पिषेर मनतोर।
वोर, रोमा सर्कारुतुनु तहसीलु मीरि कीसेर मनदूर।
अदेन साटिये हक्के मंवलिकु वोर इत्तेके जम्मे मायो!
येसु तंवा नाटनल सोनजेर मनतोर
इनजेर जक्कय्या केंचि,
येसु बहनु मनतोर सूडना इनजेर।
वेल्लेने परपेडे मासेर मत्तोर।
बत्ति जक्कय्या, वेल्लेने चुडूर मत्तोर।
अदेन साटि हक्के तोल्लेने वासि
मनतेर पब्लिक अडुम निल्लि काडकि,
वोर जक्कय्या येसुन सूडमकि।
अदेन साटि, वोर पब्लिकुन मुंने विच्चेर सोनजि, येसु
अद सर्रित पोरो वानेके सूडवच्चु इनजेर।
उनदि मर्रा तेर्गतोर। येसु सर्कले
अद मर्रत बूडुन वानेके वोर रोकेमासि,
पोरो सूडसेर, "जक्कय्या! वेय्नेने बूड
रेय्सिकुन वरा नेटा दिवोसु नन्ना
नीवा रोन जेवि कियाना!" इत्तोर।
जक्कय्या! वय्या-वय्या मर्रतल बूड रेय्सि,
कुसिते येसुनु तंवा रोनु पिय्सि सोत्तोर।
इद सम्दि सूडसेर मंवल पब्लिक, "इद बतल,
येसु उनदि वोरोर पापिन रोतेके,
वेर्तल आसिकुन सोंवल" इनजेर गोल्गुतेर।

हक्के बेरेंकि जक्कय्या येसुन मुंनेनिलसिकुन,
 प्रभु! इद नाटेन रोप्पो मनतेर गरीबु लोक्कुकुन,
 नावा जाय्जतुनल अर्दो सीसि वाटनतोनु।
 नन्ना! बोनेगिर दोका सीसि मत्तेके,
 वोन करुम मीरि कीता अदेनुकु,
 नालुंग ई संग जास्ति सीसि वाटनतोन" इनतोर।
 अदेन साटि येसु, "नेटा दिवोसु नीकुन
 नीवा रोटुरुकुन भगवनतलु चोकोट
 पिस्वाल सीसिकुन सीसेर मनतोर" इत्तोर।



१६ राजन्कु सिखलु आह्वानतुन लोकर येसुन्कु सियमड

येसु वोन सिखलिरु, येरूसलेमु चहर्ता सीवर्तगा मनतेरा।
वोर, बेतनियु इवल नाटेन

करुम मनता वोलिवा गुट्टुक्कु वातेरा।

तंवा सिखलिर्गा इव्वीर कुन येसु केयुसि,

"अद दिसनता नाट्नेके मिरट्टु मुंनेने सोनट्टु।

अद नाटेन रोप्पो मिरट्टु नेंग्रेके,

मीकुन उनदि गादिता पिल्ला दिसनता!

तान नेनड वेरि बोरे पोरो उदमकि। तानु चुट्टिकीसि,

हिक्के पिखिसकुन वरट बोरे आयि बारि चुट्टि

कीनतिट्टु इनजेर मीकुन पूसि कीतेके

"प्रभुवुन्कु पहजे" इनट्टु इनजेर वेह्तोरा।

ऊर इव्वीर सिखलिर वोर वेह्तप सम्दि कीतेरा।

येसु ऊर तसो वेह्तपु ऊर

उनदि गादिता पिल्लतुन सापडि कीतेरा।

ऊर अद गादिता पिल्लतु सुट्टिकीसिकुन

तानोर माल्कन अद सूडसिकुन "मिरट्टु बारि!

इद गादितुन सुट्टि कीसेर मनतिट्टु।" इनजेर पूसि कीतेरा।

"प्रभुवुन्कु पहजे" इनजेर ऊर जवाबु सीतेरा।

ऊर अद गादिता पिल्लतुन येसुन करुम पिखिसकुन वासि।

अद गादिता पिल्लतु पोरो तम्वा

पोनड्वलिक कपडिंग मुच्चि,


येसुन तानु पोरो उप्पि सीतेरा।

येसु अद गादितु पोरो येरूसलेमु
चहर्ते पेषिसि मत्तोर।

हक्के मंवलिर पब्लिक तम्बंग कपडिंग
सरित पोरो वोन मुंने सम्दि तार्सिकुन,
तम्वा मान पान वोन पोरो तोहतेर।
वोलिवा गुट्टतल सर्कले रेय्सि सौले सरितगा येसु
वानेके तंवा संग्वा वाय्वलिर वेल्लेटिर
पब्लिक जोर्ते किलाडिंग वाटुसेर,
तम्मो सूडसेर मत्ता।

मंवल डगूक-डगूक
चोक्कोटुनंग गोहिटन लासि भगवनतनु
चरना कीसेर डनडोस वेहचेर मत्तोर।

"राजा, राजनुकु, दया, प्रभुवा
हिम्मतुन तोडो वाय्वलिर कुन दया!
सम्दि दुनिया वोना सानतित तोडो
इनजिकुन भगवनतन पोरोडे दया आयना!"
इनजेर डगूर लेंग्रे आवज कीतेर।



१७ सिस्यलिर तसोँ येसु सब्बता जेवुन तिनमडु

तोडोसा दिवोस्कु आता पज्जा, सब्बतुन
लासि तयार आय्वल गट्का वाता।
सन किय्वडुन रोप्पो उनदि गोरेँ पोरितु कोय्वल मनता।
येसु अदेन साटि पेतुरु, येहोनु,
इनजेर केय्वलिर तंवेर इव्वीर सिस्यलिरुकुन केय्सि,
"मिरट्टु सोनजि सन कियन लासि जेवुन तयार कीम्ट" इत्तोर।
अदेन साटि ऊर। "अद जेवुन तुन मोम्मोट बग्गा तयार
कीकोम इनजेर सवालु पूसि कीतेर।
येसु जवाबु सीसेर, येरूसलेमु तगा
तयार कीम्टु" मिरट्टु चहर्त
रोप्पो नेंग्रेके उनदि बुड्डिते,
येर वोय्वल मयूनन वोरोर मिरट्टु सूडनतिट्टु।
वोर बद रोन नेडतोर निम्मेट गिर अदे
रोन नेडट तान पज्जा मिरट्टु अद
रोतोर माल्कन तसोँ सब्बा जेवुन
मोम्मोट बेके तिंवल,
बोदा दारन पूसि कीम इत्तोर" इनजेर इनट्टु।
अद रोटुर माल्कल माकुन बतल,
बतल पट्टेय अवेकुन तसोँ मंवल
उनदि डगूर मिद्देता करुम्ना तोहनतोर।
"हक्के मिरट्टु जेवुन तयार कीम्टु" इनजेर वेहतोर।
पेतुरु, योहानु येरूसलेमु, चहर्ते सोत्तेर।
हक्के, सन्दि वोर वेहतपु आता।
अदेन साटि ऊर जेवुन तयार किय्ले सुरु कीतेर।
पोड्डु सोनजेर मंनेके, येसु अनि
सिस्यलिर अद रोन नेंग्तेर।

ऊर जेवुन कीसेर मंनेके,
येसु तंवेर सिस्यलिर तर्सो,
"नन्ना वेय्नेने तक्लिब नगा,
अनि कस्टन्नगा पग्रे मासि अरनतोना।
अदेन साटि, मी तर्सो, मीरे मासि,
इद जेवुन तुन तूस्ले बय आसते मत्तोना।



इद करले आनदु।

भगवनतल राजन दात पालना किय्वल वक्कतु वानल वेरि,
नन्ना दुस्रोर अट्टा जेवुन तुन तिंनोना।
अद वकत्ते वानेके, इद अर्तम
बतल मीकुन पूरो करेमानता?" इत्तोर।

तान पज्जा येसु अंगूर्क्रा रसता कोजत पिण्णिसि,
 भगवनतन हेतु कीसि अद जेवुन
 तुन तंवेर सिस्सिलिर कुन सीतोर।
 वोर ऊर तसो,
 "इद अंगूर्क्रा रसतुन येच्चिकुन ऊर्क सम्भिर जर्जा-जर्जा उनटु;
 इद करल -
 भगवनतलु राजन दातु पालना किये वकत वानल वेरि,
 नन्ना! इद रसुन उनजि सूडनतोन" इनजेर इत्तोर।
 अद आता पज्जे वोर सारितुन पिण्णिसि,
 भगवनतन हेतु कीसि तंवेर सिस्सिलिर कुन तूसि सीतोर।
 वोर ऊर तसो -
 "इद सारि नन्ना मीलासि सियुवल
 नावा मेनदोल्ता नीसानि आनदु।
 नाकुन हेतु कियुलेन साटि,
 तेनु तिनटु" इनजेर इत्तोर।
 ऊर जेवुन कीता पज्जे, ऊर उनडे गाटोत पिण्णिसि,
 "इद कोजा भगवनतल तंवा मानदितुन
 तसो किये पूना वायिदतुन नीसानि आनदु।
 इद मीलासि नावा जीवतुन सिख्वकु
 रोप्पो तान हिनदल साद्यम आता!" इनजेर इत्तोर।

१८ येसुंयाया विचार कियमड

अस्के सिस्यलिर तसो जेवुन आता पज्जे
गुल्पेट्क येसुन दोह्चि वाट्तेरा।
तान पज्जे यूदतिरा अदिकारि
वोन ंयायंकुन विचार कीतेरा।

इमुन नेटि, वोन अद मनडल्ला
गवर्नर इंवल पिल्लतुन करुम वोसि मत्तेरा।
येसु बवो-बतलो कराब काम
कीसेर मनतोर इनजेर इत्तोर।
ऊर तम्वा टोड्डिते वातंग अच्चोर
पिलातुन्कु सिकायि कीतेर कीसि, वेह्तेरा।



ऊर येसुना सर्कार तुन मुक्कबिल्ला
 तिरियाट इनजेर पब्लिकुन वेह्चेर,
 वोरोन चहिंग कीसेर मंनेके सूड्तेरा।
 रोमा राजन तहिशील सिय्वल सेल्ले इनजेर गिर वेह्तोरा।
 अच्चोरे आयो! मा वोर राजन दातु मनद्ले
 तनकुन भगवनतल रोह्तोर इनजेर वेह्नेके
 मोम्मोट केव्क्ने केनज्तोम इनजेर लयिनु
 पिग्रिस उनदि उनदितुन वेह्चेर वातेरा।
 पिल्लतु येसुन काकु मलसि, बतल बाबा!
 निम्मे यूदुल्कुनु राजनि आनदि?
 बतल इत्तोर येसु जवाबु सीसेर,
 अद गोहिट निमेय वेह्चेर मनति इत्तोर।
 पिल्लतु यूपलिरा अदिकारिन तसो,
 हक्के मंवल सम्दिर पब्लिकुन तोडो,
 नावा उद्देस वेहना इत्तेके, रोमा
 सर्कारता कानुनतु वेर बतल कियमकि इत्तोर।
 बत्ति ऊर बेरेंकि येसु बहनु कीतेक गिर
 गलिति कीतोर आनदूर इनजेर कसुकुन जबर दस्तिते वेह्चेर,
 वेर यूदा देशम नगा सम्दि वेह्चेर, सर्कार
 तुन दुस्मन ते उरपटा चाकु पिग्रियट
 इनजेर पब्लिकुन चडिकीसेर मत्तोर इनजेर इत्तेरा।
 हाने गलेलिया देशम नगगिर प्रचार कीसि अद
 उद्देशम मनजी कुंने हक्के तय्यार आतोर, इत्तेरा।
 इद गोहिट पिल्लतु केनज्तोर।

अस्के वेर गलिलिया देशम नोर आनदूर?
 बतल इनजेर पूसि कीतोर। ऊर करले इत्तेर।
 अद्वकतुन येरूसलेमु तगा मनतोर।
 गलिलया राजल इनुवल हेरोदुना करुम पिल्लतु हेरोदुना।
 येसुन सूड्वल किस्मत पुट्टकाडकि
 हेरोदु वेल्लेने कुसि आतोर।
 वोर येसुन लासि वेल्लेने गोह्मिंटग केंचि,
 वोन सूडना इनजेर वेल्ले रोजुकुनल आसते मत्तोर।
 येसु तंवा मुंने बद्दे चोकोट काम
 कीतेके सूडना इनजेर इनजि मत्तोर।
 अदेन साटि येसुन बचिलेय सवाल्कु पूसि
 कीसि मत्तोर बत्ति येसु उनदिगिर
 सवल तुन जवाब वेह्मकि।
 यूदलिरा अदिकारिरु मत्ता बोददारल तम्मे
 लयिन पिथिस वेहुवलिक कराबु काम्क येसु कीतोर।
 इनजेर हेरोदु चरना कीनतेर।
 बत्ति येसु बेरेंकि तोड्डि कुल्ला कीसि उनदि गोह्मिंटगिर इनमकि,
 अदेन कर्ता हेरोदु वोन पज्जा येसुन
 पद्दिस कीसेर आक्रि ऊर वोन्कु
 राजनंग कपडिंग केर्सि,
 पिल्लतुन करुम उनडे सारि कीतेर।
 अगा येवुनल दुस्मन ते मत्तेर।
 ऊर हेरोदु पिलातुलु अद दिवोस्त्रल सोप्पिलिर आतेर।

१९ येसुन मरना सिक्सा अरुमडु

वेडिल्कुन मैतेर ऊर्कुन पिल्लतु मीरिकिसि,
ऊर तसो, मिरट्टु बेरेंकि येसु इंवल वेर मय्नन,
तच्चि ना मुंने निपुसिकुन वेर ऊरा सर्कार
तुन उरपटा पब्लिकुन चीडि कीनतोर इनजेर इनतिट्टु।
मी मुंनेने आताकी नन्ना वेनु नायम विचारना कीसि मनतोनु।
बत्ति नाकुन बेरेंकि मिरट्टु वेनु पोरो
वाट्टवल लबड गोष्टि आयि नेप्रगा
आयि उनदिगिर करल दिषो।
हेरोदु राजल गिर वेन रोप्पो बद्दे
तप्पु सेल्ले इनजेर उनडे करुम रोहुतोर।
वेर मरना शिक्षतुन लासि नेरम बद्दे कीय
मकि अदेन कर्ता वेनु चाट्टने तोडसा
दन्कपायुसि सुट्टि कीतोन इत्तोर।
इद सम्दि पस्का सन्तगा, अद्वकतुन आता इद वक्तुने,
यूदुल्लुनु, चोकोट कियुले रोमा गवर्नर
वोरोर केय्दिन सुट्टि कियवल आदतु मत्ता।
पिल्लतु येसुन मरना सिक्सा सीसेर
सिल्लोर इनजेर हक्के मंवल पब्लिक,
वेनु जक्का अनि बरबात सुट्टि
कीम इनजेर किलाडिंग वाट्टुतेर,
इंवल वोर सर्कार्तुन उरपटा विरुद्धि
योरुसलेम तना आता मुक्कबिल्लि वेर गिर
जुलुसुनगा मत्तोर।
सम्दिर अदेसाटि वेन कल्ले कीतेर।

अच्चोरे आयो वेर तोडो सम्दिर मानदित तोडो जेविकीतोर।
 उनडे उनदि जोका, पिल्लतु मानदिता गुबडत
 तसो तना येसुन सुट्टि कियुले
 सोंचि कीतोन इनजेर वेहतोर।
 अदेन कर्ता जवाबु सीसेर अच्चुर पब्लिक
 हीन किलाडिंग वाटितेर वेनु
 सिलुवा वाटा सिलुवा वाटा इत्तेर।
 दुस्रो जोका पिल्लतु अद मानदिता
 गुबडत तसो "असल वेर बतल कीनतोर?
 वेर मरना शिक्षतुन साटि नेरम
 बतय कियुमकि अदेन कर्ता वेनु चाटुन तसो,
 तोडोसा दन्का पायुसि, सुट्टि कीतोर" इनजेर इत्तोर।
 बत्ति येसुन सिलुवा वाटाना इनजेर अद
 मानदिता मनदुडिता किये लोल्लिते
 जास्ति आता बत्ति कम्मि अयुमक्कि।
 आकिरितुन ऊर किलाडिंग केनजुवल
 आत्रे माय्वक पिल्लतु,
 बरब्बान सुट्टिकीसि, येसुन मरना
 शिक्षना कियुले सीयुले वोप्पनतोर।
 तान पज्जा येसुन ऊरमनु पेन दुन
 कियुले हाने कियुले पिल्लतु वोन (येसुन
 वोरोर) अप्पगिंचुतोर अद पब्लिकुन अप्पा गिंचुतोर।

२० सिलुवतगा वाटुतेर येसुन




तार्ता बह्नी येनुन सिलुवा वाटुलेन,
पोजुनेर वोन वोतेर नडुम सरितगा
कुरेनिया इंवल देशम नोर
सीमोनु इंवल वोर बेटि आतोर।
वोन करुम मनता उनदि नाटूनल
अस्केने चहर्तुते वासेर मत्तोर।
अद पोजुनेर वेनु पीसिकुन सिलुवतुन
वोन पोर्रो इर्सि पोजुनेर वेनु
पियिसकुन सिलुवतुन वोन पोर्रो इर्सि,
येसुन पज्जे ताकुसेर वरा इनजेर जुलुम जब्रि कीतेर।
वेल्ले मानदिता गुब्डा येसुन तसो सोनजेर मनदिर।

ऊर रोप्पो मंवल उनदि बायि
येसुन वोयुवल सूडसि जोर्ते, अडुलेन सुरु कीता।
अदेन साटि येसु ऊरा काकु मलसि सूडसि हो!

योरुसलेम बायि नि, ना साटि आयो,
 मी साटि मी पेकुर साटि अडसेर मनटु,
 पेट्टिते मनुवकु मंवलिर पेकुर सिल्वकु मंवलिरूकन,
 चुडुक पेकुर कुन पाल सियुवकु मंवलिर
 पुंनेम कीता बायिन इनजेर सम्दिर वेहुवल वक्कतु वानता!
 पब्लिक गुट्टंग तसो "मा पोरो
 अरट्टु" अनि मेट्टंग तसो।
 "माकुन मिंगिसि वाट्टु" इनजेर वेह्वल दिवोस आनदु।
 बद्दे गल्लि कियुवकु मंवकु लोकर हीने
 इत्तेके इडे मुंने करले तप्पु कीयवलिर
 कुन तेन अदिक कटिन मनदनत" इनजेर इत्तोर।
 ऊर येसुन बर्बर सिलुवा वाट्टुलेन
 इव्वीर कल्लिर कुन गिर वोतेर ।



ऊर "कपाल" इंवल जागतगा वानेके
हक्के येसुन सिलुवा तगा,
मोलंग पासि मत्तेर।
उनडे इव्वीर कल्लिरुकुन गिर सिलुवा वाटिसि उनदि
सिलुवा बेरेंकि येसुन डेम्मा काक अनि,
दूसुरा सिलुवा वोन्कु तिन्ना काक इर्तेर।



अस्के येसु चरना कीसेर "बाबा! वीरु बतल कीसेर
मनते रो वीरुकुन टावुक सेल्ले अदेन
साटि वीरुकुन मापि कीमु" इनजेर इत्तोर।
हक्के मनवलिरु पोजुनेर येसुना
पांगुक टेनडिस अवेकुन लासि चिट्टि वाटुतेर।
वेल्ले मानदि हक्के निलसि चूडसेर मंनेके,
उद्वलिर वेडिल्कु येसुन चेडिकीसेर
"वेर दुस्रोण पिसुस्तोर, ते वेरें येकनदि
भगवनतनगटल वातोर पिसुस्वल आतेके
तंवा तनय पिसुस्वल कीतेर।

येसुना तलतगा "वेरे वेडिल्कुनोर राजल" इनजेर
 लिहिकीता पाटि उनदितुन इत्तेर।
 अदेन साटि पोजुनेर गिर
 वोन चीडि कीसेर वोन्कु सीतेर।
 "अनि येकनदि निम्मेये यूदलिरा राजन अलदिते नीकुन,
 निम्मेये पिसुस्वल"इत्तेर।
 येसुन तसो गिर सिलुवतगा लोडेमासि मनतेर।
 इव्वीर कल्लिर रोप्पो वोरोर, येसुन रांग सीसेर,
 "निम्मे, भगवनतनगटल वासि मंवल पिसुस्वनि आनदि,
 सेल्ले नीकुन निम्मे पिसुसी नी
 संग्गा माकुन गिर पिसुसा इत्तोर।
 इद गोहिटि केंचि दुस्रोरु कल्ले
 मोदोल कल्ले वोन तोडो,
 "भगवनतन वेरि निहगा जर्जा-जर्जा सेल्वक मनता बतल?
 माकुन, मुव्विर कुन मरना सिक्सा सीसि मनतेर सेल्ले।
 बत्ति निम्मे नन्ना कीता नेरमुन साटि इद सिक्सा आयुवले,
 बत्ति वेर बतय तप्पु कियुमकि इनजेर इत्तोर।
 तान पज्जा येसुनु काकु सूडसि
 वोर "येसु निम्मे राजनि आसि,
 राज्वाडा सुरु कीनेके।
 नाकुन हेतु किम" इनजेर इत्तोर।
 "सूडा! इद दिवोस नल निम्मे
 ना तसो मोक्षन्नगा मनदनति" इनजेर इत्तोर।

२१ येसु सातोर

दुप्परि आसेर मंनेके पोड्दु वेडिच सिखल बनद कीतोर।
दुप्परि मूनद गनटंग आनल वेरि,
अद देशम नगा बय सिकाटि कपुता।
अस्के मनदिर तगा, लोडे मासेरा मत्ता
पड्दा रनडु टुकडेंग कीतप पोरोडल बूड येव्रल सर्ता।
अस्के येसु डगूर लेंग्रे, बाबा! नाकुन,
नी केय्दे सीतोर इनजेर किलाडिंग वाट्सेर सातोर।
इद सम्दि सूडसेर मनतोर।
वोर रोमा पोजुनोर अदिकारि भगवनतनु चरना
कीसेर "वेर करले चोकोट नोर आनदूर इनजेर इत्तोर।



हक्के, मीरे मासि मनतेर लोकुर इव
सम्दि आयवलिक सूड्नेके ऊरा दिल दानद्रेमासि,
बोना रोतेके, वोर सोत्तेर।
येसु सोप्तलिर रोप्पो गलिलयतल वोन सड्वासि मत्ता।
बायिक गिर मत्तंग। ऊर सम्दिर हब्रि निच्चिकुन,
आयवलिक आतंग अव सम्दि सूड्तेर।

२२ येसुन वीचुनगा माति कियमड

यूदया प्रानतमुनगा मंवल, अरि मत्तयि इंवल नाट्नोर,
योसेपु इंवल वोरोर मय्नल मनदूर।
वोर चोकोट नोर आनदूर। यूदलिर
डगूरा पुस्तकनगा वेल्लेने भक्तिते केंचेर मत्तोर।
यूदलिरा डगूर पंचदनगा उनदि
वोरोर मेहंवर तुन दात मनजिगिर,
अद सुभतुन येसुन पोरो कीता तमसतुन वोर मेच्चुमकि।
भगवनतल राजन दातु। पलना कियवल वकत बस्केट वानता।
इनजेर वेल्ले आसते सरि सूडसेर मनदूर।
वोर पिल्लतु करुम सोनजि सातोर।

येसुना कूरुतुन सीम इनजेर विननति कीतोर।
अद आता पज्जा वोर येसुना कूरुतुन सिलुवतल बूड रेहिच,
मरुम कपडिंग गूनडि कीसि, उनदि वीचुन रोप्पो इतोर।
अद वीचु उनदि बनडत रोप्पोने तयार कीसिमनता।
अदेन रोप्पो नेनडु वेरि, बस्केन, बोने इर्मकि।
अद शुकीर वार दिवोस आनदु।
यूदुलिरा सभुत दिवोस,
सुरु आयुलेक तोडसा वक्कतु मनता गलिलियनगटल
येसुन तसो, मत्तंग बायिक योसेपु तोडोसा
सोनजि, येसुना वीचुन सूडसि,
अदेन रोप्पो येसुना कूर बहन इतोर सूडतेर।



तान पज्जा ऊर रोतेके सोनजि कूरतुन
सोकुवल वासुना सुगनदा तुन अनिक
निय तुन तयार कीतेरा।
बत्ति डगूर पुस्तकनगा वेहतपु
नेकिता दिवोसुन ऊर तम्वा कामकु
ऊरंग बनद कीतेरा।

२३ सातोर येसु उनडे जीवते पिस्तोर

सब्बातु दिवोसुन नेटि सक्रे पोड्डु पेसिनेके,
गलिलया प्रानतमु तल येसुन
संगा मत्तंग बायिक वीचुनगा सोत्तंग।
येसुना मेनदोडुन सोकुले तम्मो तयार कीता,
निय्दुन पिथिस वातेरा।
ऊर वीचुनगा वानेके वीचुना डरोटतुन मुचुता बनडा।
बाजुकु सरेके मासि मंवल सूडुतेरा।
ऊर अस्के गड बड ते,
वीचुनगा, रोप्पो सोनजि सूडुनेके
येसु प्रभुन कूर अगा सेल्ले मत्ता।
ऊर हाने दानद्रेमासि, बतल किय्वल सम्जेमायुवका।
पज्जा मुंने आसेर मत्तेरा।
अस्के वेल्ले दब्रलिक कपडिंग केरिसि मत्तेर इव्वीर
मय्नलिर अच्चनक दिस तेरा।
ऊर बाजुकु निलसि मत्तोर।
अव्वु वेल्लेलोकुर बच्चे वेरि तेर इत्तेके,
अद वेहीवा ऊर सम्दिर बोम्मित पोरोँ उनदि
जागतगा वीरोन पोरोँ वीरोर कुप्पंग दात आतेरा।

अस्के वीर इव्वीर मय्नलिर ऊर तसोँ,
"जीवते तेच्चि मनतोर वोन लासि, वीचुनगा बारि
महकनतिटु? वीर हिक्के सेल्लोर।
बारि इत्तेके वोन भगवनतल उनडे जीवते पिसुस्तोर।
वीर गलिलिया तगा मत्तोर अस्के मी
तसोँ वेहता गोह्ण्टग हेतु वासेर सेल्ले।
बतल मय्नन दातु अवतार येच्चिकुन वातोर।
वीर पापुलिरुकु अप्पगिंचुतोर
अस्के ऊर वोन सिलुवा वाटुतेरा।

बत्ति तिसुरा नेटि। वोर उनडे जीवते तेत्तोर।
 इत्तेर अस्के गिर अव बायिकुन
 येसु वेहतंग गोहिंग हेतु वायुमकि।
 अस्केन ऊर वीचु नगटल पजमलिसि तम्मो सूडता केनजनता।
 सम्दि येसुना अक्रजन्कु मानदि
 सिस्वलिरकुन उनडे मत्तेर।
 ऊर कुन बहन केनजुतेर हाने
 उनदि गिर सुट्टि कियुवक सम्दि वेहतेर।
 अव बायिक बव इत्तेके, मग्दलेनेतल वाता उनडे योहान्ना,
 अनि याकोबुना बेये इंवल उनडे दुस्रो तोडोसा बायिक।
 बत्ति येसुना सिस्वलिर इव्वु बायिकु वेहता
 अवेकुन बद्दे अर्तम पर्थम सेल्ले इनजेर,
 अवेकुन पट्टि कियुमकि।
 ते, सिस्वलिर रोप्पो वोरोर पेतुरु तेच्चि वीचुनगा
 येवुनल विच्चेर सोत्तोर।
 वोर, हक्के तंवा सातित पोरो तंवा
 केय्दे तनये पासेर वासि वीचुनगा,
 रोप्पो नेंगिसि सूड्तोर। येसुना कूर गूनडि
 कीतंग पांगुक सुट्टि कीसि वोन्कु
 अजुकु दुस्रो बतय दिस्मिकी।
 अस्के मीर हक्के बतंग बतंग आतंग अव
 सम्दि गोहिंग केंचिकुन वय्या-वय्या बहन
 आता इनजेर इनजिकुन तंवा रोतेके सोडितोर।

२४ हाबर तगा येसुन वोयमडु


पज्जटल येसु तंवा सिस्स्यलिर
रोप्पो इव्वीर कुन दिसुतोरा।
ऊर अद गोहिटतुन वेहता सम्दिर सिस्स्यलिर
कुन वेहतेर येसुना सिस्स्यलिर
सम्दिर अद गोहिटतुन लासि,
गोहिटिंग कीसेर मंनेके, येसु ऊर्कु उनडे पिस्वाक,
ऊर नडुम निलसिकुन, सम्दिर
कुन सूडसि राम इनजेर वेहतोरा।
बत्ति ऊर बेरेंकि उनदि भुत
तुन सूडुतपु बय वेरितेरा।
अदेन कर्ता ऊर तसोँ येसु, बारि मिरटु वेरमटु?
नन्ना उनडे जीवते पिस्तोन इंवल करल
गोहिटतुन नम्लेन मीकुन अच्चोर कटिन मनता बतल?
नावा केय्कुन, काल्कुन सूडट।
हो! करले, नन्नये आनदुन! उनडे अजुकु मीकुन
अनुमान मत्तेके नाकुन लागिसि सूडटु।
अस्के नन्ना भूतु आयोन इनजेर मी कुन टावा आनता!
भूतु तुन बोक्का सव्विंग मंनो
ते नाकुन अव मनता इत्तोरा।

अस्के येसु ऊर्कुन तंवंग केय्क-काल्कुन तोहोतोरा।
सिस्स्यलिर कुसिते परिसन आतेर अनतु सेल्ले मत्ता।
बत्ति ऊर तम्वा कडुकुन तम्मोय बरोसा कियुमकि।
येसु अजुकु, ऊर तसोँ उनडे "सूडटु,
भगवनतना पुस्तक्नगा, भगवनतना केय्दे रोहुतोरा।
पिसुस्वल बच्चे तिप्पल आसि कुन सासि,
तिसुरा दिवोसुंनेटि उनडे तेदानतोर, इनजेर वेहचि मनता।

सिल्ले भगवनतना पुस्तकनगा अजुकु हीन लिहि कीसि मनता।
दुनियतगा मानदि पापम कियमड बनद
कीसि भगवनतना गोहिटतुन कियुले मत्तेके,
मापि कियुले आनतेर, इनजेर वेर पिसुस्वल
अदिकार्ता तोडो सम्दिर कुन
वेरुसुतपु कियुले आनता।

इद बोदा सुरु सुरु येरूसलेम
तगा मंवलिर पब्लिकुन येव्रल सीनता।
पज्जटल सम्दिर देशन्नगा मंवलिरूकु हेलना कियाना।
अदेन साटि हेलना कियवलिर मिरटे
नावोर बाबल आयवल भगवनतल मीकुन सीनतोर।
इनजेर वायिदा कीता, अद मत्तुन
नन्ना सोनजिकुन मीकुन सारि कीनतोन।

बत्ति अद तानु मी पोरों वानल वेरि,
मिरट्टु येरूसलेम तगने सरि
सूडुसेर मनदना अस्के इद बोदतुन लासि,
पब्लिकुन वेहिले, मीकुन भगवनतनगटल
हिम्मत वानता।"
अद आता पज्जा येसु तंवा
सिस्यलिरुकुन येरूसलेम चहर्ते बह्नी
वोसिकुन बेतनि इंवल नाट्नेके ताकुस्तोर।



ऊर अगा येवुनल वाता पज्जा येसु तंवा
केय्दे पोरों तहिचि कुन ऊर कुन आसीर्वाद सीतोर।
येसु हानु दिवेना सीसेर मनजी, मत्ता
जागतले ऊर्कुन सुट्टि कीसि
परलोकनतगा भगवनतना येमु ना केय्दे वोसि मत्तोर।
ऊर टोंग्राने काल्कुन पोरों अरिसि वोन
सर्मन कीसि पज्जटल कीसि योरूसलेनतगा उनडे सोत्तोर।
हक्के ऊर तम्वा सम्दि वक्कतुन
भगवनतनकु चरना कीसेर मनदिर्त्त रोप्पो मत्तेरा।

Good News For You

New Reader Portion – Book 5

Southern Gondi (Telugu)

90A 1608/2007/5M

ISBN A40 GONT 047 (Vol 5)

ISBN A90 GONT 035 (Set)

Published by:

The Bible Society of India

206 Mahatma Gandhi Road

Bangalore – 560 001